



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ანდრონიკაშვილი მალხაზ (მელქისედეკ)

ანდრონიკაშვილი მალხაზ (მელქისედეკ) (გ. დაახლ. 1822), ქართლ-კახეთისა და იმერეთის სამეფოების პოლიტიკური მოღვაწე. იულონ ბატონიშვილის ემიკალასაბაში (მცველთა უფროსი).

სახელი გაითქვა ლეკებთან ბრძოლაში. ცოლად ჰყავდა ერეკლე II-ის ქალის – ელენეს შვილი მარია (მარიაში), დავით არჩილის ძის (სოლომონ II) და. მათხოვის ბრძოლაში (1789) ა-მა დაამარცხა დავით გიორგის ძე და სოლომონ II-ს გზა გაუკაფა ტახტისაკენ. მადლიერმა სოლომონმა ა. საცხოვრებლად იმერეთში მიიწვია და სვერის მიდამოებში უბოძა მამული 800 კომლი გლეხითურთ. ქართლ-კახეთის სამეფოს გაუქმების შემდეგ (1801) ა-ს მიწერ-მონწერა და კავშირი ჰქონდა ირანში მყოფ ალექსანდრე ბატონიშვილთან. 1810 იმერეთის აჯანყების დროს ებრძოდა რუს. ჯარს. იმერეთის სამეფოს გაუქმების შემდეგ სოლომონ ლიონიძესთან ერთად გაიქცა ახალციხეში. აქედან სოლომონ II-ის დავალებით დახმარების სათხოვნელად გაემგზავრა ჯერ ოსმალეთში, შემდეგ ირანში. 1815 ა. ჩავიდა ერევანში, ეჩმიაძინის მონასტერში, და სომეხთა კათალიკოსის შუამდგომლობით საქართვე. მთავარმართებლისაგან პატიება და სამშობლოში დაბრუნების ნებართვა მიიღო, ჩამოვიდა საქართველოში და გარდაცვალებამდე ცხოვრობდა კახეთში.

ლიტ.: დავით ბატონიშვილი, მასალები საქართველოს ისტორიისათვის (1744 – 1840 წწ.), მ. ჯანაშვილის გამოც., ტფ., 1905.

ლ. ტუხაშვილი
